

KOMUNIKADU IMPRENDA

Kuarta-feira, 7 Agosto, 2024

Parseria Enerjética entre Timor-Leste ho Austrália reforsa kolaborasaun peskija liuhosi programa mentoria

Parseria Enerjética Timor-Leste Austrália, lidera husi governu Australia liuhosi Departamentu Indústria, Siensia no Rekursu ho governu Timor-Leste representa husi Autoridade Nacional do Petróleo I.P (ANP), ho susesu completa ona inisiativa mentoria durante loron lima nian laran ne'ebé konsege halibur hamutuk peskijador Timoroan nain ne'in (6) ho mentor especialista sira nain lima (5) husi Australia.

Programa ne'ebé realiza hahu iha loron 22 to'o 26 fulan Jullu 2024 ne'e ho objetivu atu promove kolaborasaun no fahe koñesimentu entre peskijador Timoroan-sira ho sira nia mentor husi Australia iha área peskija enerjética ninian. Peskijador hirak ne'e selesionadu husi universidade no instituisaun-sira iha Timor-Leste, maka hanesan Dili Institute of Technology (DIT), Universidade Nacional de Timor Lorosa'e (UNTL), Universidade Católica Timorensis (UCT), no Instituto de Geociências de Timor-Leste (IGTL), Autoridade Nacional de Licenciamento Ambiental (ANLA) no ANP Timor-Leste.

Projetu peskija hirak ne'e koalitia kona-ba área enerjia nian iha Timor-Leste, hanesan tuir mai ne'e:

- *"Investiga influencia husi propiedades bee no sasan fatuk ba iha adsorsaun no sequestrasaun husi CO2 ba seletiva fatuk nian iha kaptura no armazenamentu karbonu".*
- *"Análisa Kualidade fatuk orijinal (source rock) iha rai maran (Onshore) Timor. Implikasaun ba Explorasaun no Produsaun Hidrokarbonetu"*
- *"Evaluasaun ba karaterística reservatóriu jeotérmiku iha área superficial ne'ebé ho temperatura a'as liu (~100 oC) iha Hatólia, Timor-Leste.*
- *Responsabilidade Sosial husi Empreja (RSE) nia effitividade husi Timor-Leste nia projetu Petroléo no Gas iha offshore hahu husi 2004 no 2024".*
- *"Peskija topikun relasiona ho Meiu Ambiente".*
- *"Estudu de kazu spesifiku iha Timor-Leste: Desmantelamentu Parsial ba antiga instalasaun fasilidade produsaun kampu Bayu-Undan no ninia reaproveitamentu ba utilizasaun mega projetu CC.*

Durante programa ne'e tomak, peskijador timoroan-sira hetan oportunidade diak tebes atu kolabora direta ho sira nia mentor husi Australia ne'ebé espezializada iha ida-idak nia área. Peskijador timoroan-sira maka hanesan:

- Sra. Octaviana A. F. S. de Jesus, Dili Institute of Technology (DIT)
- Sr. Cornelio Moniz, Universidade Nacional Timor Lorosa'e (UNTL)
- Sr. Alino da Cruz, Instituto de Geociências de Timor-Leste (IGTL)
- Sr. Norberto Maia de Araújo, Autoridade Nacional de Licenciamento Ambiental (ANLA)
- Sr. Afonso Aleixo, Universidade Católica Timorense (UCT)
- Sr. Mateus da Costa, ANP Timor-Leste

No mentor Australianu sira maka hanesan:

- Professor Eric May, University of Western Australia
- Professor Klaus Regenauer-Lieb, Curtin University
- Emeritus Professor Chris Elders, Curtin University
- Dr. Muhammad Rizwan Azhar, Edith Cowan University
- Associate Professor Kathy Witt, University of Queensland

Oportunidade mentoría ne'e nudar espasu diak tebes hodi fahe valor koñesimentu ne'ebé a'as no hasa'e kompetensia nomós nudar espasu ba kolaborasaun iha projetu peskija sira ne'ebé importante atu identifika dezafiu sira iha área enerjética nian iha Timor-Leste. Sr. Afonso, peskijador husi UCT, refleta kona-ba ninia esperiensa, afirma katak: "loron lima nia laran produtivu tebes. Hau hetan koñesimentu ne'ebé diak tebes kona-ba hau nia área no hau iha kumpriensaun diak liu tan kona-ba sira nia espetativa".

Nune'e mós Sra. Octaviana, peskijador husi DIT hatete "Ami satifas tebes ho visita husi mentor Australia sira mai Timor-Leste. Durante sira nia prejença loron lima nia laran ne'e, sira fahe matenek no koñesimentu ne'ebé klean mai ami kona-ba absorsaun Sekestru CO2 nian, ne'ebé fó benefisiu mai ami aumenta tan peskijador no estudante-sira nia koñesimentu. Agradese tebes ba orientasaun ne'ebé mentor Australiano-sira fó ba ami hodi desidi metodolojia ba peskija nian ne'ebé los. Ami espera sei iha kontinuasaun ba programa ne'e iha futuru".

Programa peskija ne'e nudar faze daruak husi programa Parceria Enerjética Timor-Leste Austrália ne'ebé foka liu ba relasaun parceria ne'e rasik, kolaboraun peskija, no inovasaun iha setór enerjético. Área importante seluk inklui alterasaun klimatika no fonte enerjia ne'ebé sustentabilidade;, liafuan hirak ne'e afirma husi Embaixadora Australia ba Timor-Leste, Sra. Caitlin Wilson.

Adicionalmente, durante eventua konferensia "Série Palestras" Timor-Leste Australia iha 24 Jullu 2024, ne'ebé realiza iha Auditóriu UNTL, Hera, Díli, Sr. Gualdino do C. da Silva, Presidente ANP, anunsia eskema foun ba parceria ne'ebé ho objetivu atu hasa'e peskija no inovasaun liuhosi tau hamutuk profesores australiano sira ho estudante sira ba projetu konjuntu sira ho durasaun mais ou menus fulan 12 nia laran ne'ebé foka liu ba desenvolvimentu kompetensia nian.

Remata

KONTAKTU AMI

+670 77557750

+670 76645789



www.anpm.tl



info@anpm.tl

david.dasilva@anp.tl